

唐圭璋編

全宋詞

第三冊

國立編譯館

全宋詞卷三十四

晏幾道

二百五十三首

附錄十
四首

晏幾道

幾道字叔原號小山殊幼子監穎昌
許田鎮能文章尤工樂府有小山詞

臨江仙

鬪草階前初見穿鍼樓上曾逢羅裙香露玉釵風靚妝眉沁綠羞
臉粉生紅 流水便隨春遠行雲終與誰同酒醒長恨錦屏空相
尋夢裏路飛雨落花中

又

身外閒愁空滿眼中歡事常稀明年應賦送君詩細從今夜數相
會幾多時 淺酒欲邀誰勸深情惟有君知東溪春近好同歸柳
垂江上影梅謝雪中枝

又

淡水三年歡意危絃幾夜離情曉霜紅葉舞歸程客情今古道秋
夢短長亭 淥酒尊前清淚陽關疊裏離聲少陵詩思舊才名雲
鴻相約處煙霧九重城

又

淺淺餘寒春半雪消蕙草初長煙迷柳岸舊池塘風吹梅葉鬧雨
細杏花香 月墮枝頭歡意從前虛夢高唐覺來何處放思量如
今不是夢真箇到伊行

又

長愛碧闌干影芙蓉秋水開時臉紅凝露學嬌啼霞觴重冷豔雲
髻嬾纖枝 煙雨依前時候霜叢如舊芳菲與誰同醉采香歸去
年花下客今似蝶分飛

又

旖旎仙花解語輕盈春柳能眠玉樓深處綺窗前夢回芳草夜歌
罷落梅天 沈水濃熏繡被流霞淺酌金船綠嬌紅小正堪憐莫
如雲易散須似月頻圓

又

夢後樓臺高鎖酒醒簾幕低垂去年春恨卻來時落花人獨立微
雨燕雙飛 記得小蘋初見兩重心字羅衣琵琶絃上說相思當
時明月在曾照彩雲歸

又

東野亡來無麗句于君去後少交親追思往事好沾巾白頭王建
在猶見詠詩人 學道深山空自老留名千載不干身酒筵歌席
莫辭頻爭如南陌上占取一年春

案朱本此下原有蝶戀花卷聚
風頭一首乃趙令時詞刪去

蝶戀花

初搴霜紈生悵望隔葉鶯聲似學秦娥唱午睡醒來慵一餉雙紋
翠簾鋪寒浪 雨罷蘋風吹碧漲脈脈荷花淚臉紅相向斜貼綠
雲新月上彎環正是愁眉樣

又

庭院碧苔紅葉徧金菊開時已近重陽宴日日露荷凋綠扇粉塘

煙水澄如練 試倚涼風醒酒面鴈字來時恰向層樓見幾點護
霜雲影轉誰家蘆管吹秋怨

又

喜鵲橋成催鳳駕天爲歡遲乞與初涼夜乞巧雙蛾加意畫玉鉤
斜傍西南掛 分鈿擘釵涼葉下香袖凭肩誰記當時話路隔銀
河猶可借世閒離恨何年罷

又

碧草池塘春又晚小葉風嬌尙學娥妝淺雙燕來時還念遠珠簾
繡戶楊花滿 綠柱頻移絃易斷細看秦箏正似人情短一曲啼
烏心緒亂紅顏暗與流年換

又

碾玉釵頭雙鳳小倒暈工夫畫得宮眉巧嫩麴羅裙勝碧草鴛鴦
繡字春衫好 三月露桃芳意早細看花枝人面爭多少水調聲
長歌未了掌中杯盡東池曉

又

醉別西樓醒不記春夢秋雲聚散真容易斜月半窗還少睡畫屏
閒展吳山翠衣上酒痕詩裏字點點行行總是淒涼意紅燭自
憐無好計夜寒空替人垂淚

案朱本此下原有蝶戀花欲減
羅衣一首乃趙令時詞刪去

又

千葉早梅誇百媚笑面淩寒內樣妝先試月臉冰肌香細膩風流
新稱東君意一捻年光春有味江北江南更有誰相比橫玉聲
中吹滿地好枝長恨無人寄

又

金剪刀頭芳意動綵葉開時不怕朝寒重晴雪半消花鬢意曉妝
呵盡香酥凍十二樓中雙翠鳳縹緲歌聲記得江南弄醉舞春
風誰可共秦雲已有鴛屏夢

又

笑豔秋蓮生綠浦紅臉青腰舊識淩波女照影弄妝嬌欲語西風
豈是繁華主可恨良辰天不與纔過斜陽又是黃昏雨朝落暮

開空自許竟無人解知心苦

又

碧落秋風吹玉樹翠節紅旌晚過銀河路休笑星機停弄杼鳳幃
已在雲深處樓上金鍼穿繡縷誰管天邊隔歲分飛苦試等夜
闌尋別緒淚痕千點羅衣露

又

碧玉高樓臨水住紅杏開時花底曾相遇一曲陽春春已暮曉鶯
聲斷朝雲去遠水來從樓下路過盡流波未得魚中素月細風
尖垂柳渡夢魂長在分襟處

又

夢入江南煙水路行盡江南不與離人遇睡裏消魂無說處覺來
惆悵消魂誤欲盡此情書尺素浮鴈沈魚終了無憑據卻倚緩
絃歌別緒斷腸移破秦箏柱

又

黃菊開時傷聚散曾記花前共說深深願重見金英人未見相思

一夜天涯遠 羅帶同心閒結 偏帶易成 雙人恨成 雙晚欲寫彩
牋書別 怨淚痕早已先書滿

鷓鴣天

彩袖殷勤捧玉鍾 當年拚卻醉顏紅 舞低楊柳樓心月 歌盡桃花
扇影風 從別後 憶相逢 幾回魂夢與君同 今宵賸把銀釭照 猶
恐相逢是夢中

又

一醉醒來春又殘 野棠梨雨淚闌干 玉笙聲裏驚空怨 羅幕香中
燕未還 終易散 且長閒 莫教離恨損朱顏 誰堪共展鴛鴦錦 同
過西樓此夜寒

又

梅蘂新妝桂葉眉 小蓮風韻出瑤池 雲隨綠水歌聲轉 雪繞紅綃
舞袖垂 傷別易 恨歡遲 惜無紅錦爲裁詩 行人莫便消魂去 漢
渚星橋尙有期

又

守得蓮開結伴游 約開萍葉上蘭舟 來時浦口雲隨棹 采罷江邊
月滿樓 花不語 水空流 年年拚得爲花愁 明朝萬一西風動 爭
奈朱顏不耐秋

又

鬪鴨池南夜不歸 酒闌紈扇有新詩 雲隨碧玉歌聲轉 雪繞紅瓊
舞袖回 今感舊 欲沾衣 可憐人似水東西 回頭滿眼淒涼事 秋
月春風豈得知

又

當日佳期鵲誤傳 至今猶作斷腸仙 橋成漢渚星波外 人在鸞歌
鳳舞前 歡盡夜 別經年 別多歡少奈何天 情知此會無長計 咫
尺涼蟾亦未圓

又

題破香牋小 研紅詩成多寄舊 相逢西樓酒面垂垂雪 南苑春衫
細細風 花不盡 柳無窮 別來歡事少人同 憑誰問 取歸雲信 今
在巫山第幾峯

又

清潁尊前酒滿衣十年風月舊相知憑誰細話當時事腸斷山長
水遠詩 金鳳闌玉龍塢看君來換錦袍時姮娥已有殷勤約留
著蟾宮第一枝

又

醉拍春衫惜舊香天將離恨惱疏狂年年陌上生秋草日日樓中
到夕陽 雲渺渺水茫茫征人歸路許多長相思本是無憑語莫
向花牋費淚行

又

小令尊前見玉簫銀燈一曲太妖嬈歌中醉倒誰能恨唱罷歸來
酒未消 春悄悄夜迢迢碧雲天共楚宮遙夢魂慣得無拘檢又
踏楊花過謝橋

又

楚女腰肢越女顰粉圓雙鬢中開朱絃曲怨愁春盡淥酒杯寒
記夜來 新擲果舊分釵冶游音信隔章臺花閒錦字空頻寄月

底金鞍竟未回

又

十里樓臺倚翠微百花深處杜鵑啼殷勤自與行人語不似流鶯
取次飛 驚夢覺弄晴時聲聲只道不如歸天涯豈是無歸意爭
奈歸期未可期

又

陌上濛濛殘絮飛杜鵑花裏杜鵑啼年年底事不歸去怨月愁煙
長爲誰 梅雨細曉風微倚樓人聽欲沾衣故園三度羣花謝曼
倩天涯猶未歸

又

曉日迎長歲歲同太平簫鼓閒歌鐘雲高未有前村雪梅小初開
昨夜風 羅幕翠錦筵紅釵頭羅勝寫宜冬從今屈指春期近莫
使金尊對月空

又

小玉樓中月上時夜來惟許月華知重簾有意藏私語雙燭無端

惱暗期 傷別易恨歡遲歸來何處驗相思沈郎春雪愁消臂謝
女香膏嬾畫眉

又

手撚香牋憶小蓮欲將遺恨情誰傳歸來獨臥逍遙夜夢裏相逢
酩酊天 花易落月難圓只應花月似歡緣秦箏算有心情在試
寫離聲入舊絃

又

九日悲秋不到心鳳城歌管有新音風凋碧柳愁眉淡露染黃花
笑靨深 初見鴈已聞砧綺羅叢裏勝登臨須教月戶纖纖玉細
捧霞觴灑灑金

又

碧藕花開水殿涼萬年枝外轉紅陽昇平歌管隨天仗祥瑞封章
滿御牀 金掌露玉爐香歲華方共聖恩長皇州又奏圓扉靜十
樣宮眉捧壽觴

又

綠橋梢頭幾點春似留香藥送行人明朝紫鳳朝天路十二重城
五碧雲 歌漸咽酒初醺儘將紅淚濕湘裙贛江西畔從今日明
月清風憶使君

生查子

金鞭美少年去躍青驄馬牽繫玉樓人繡被春寒夜 消息未歸
來寒食梨花謝無處說相思背面鞦韆下

又

輕勻兩臉花淡掃雙眉柳會寫錦牋時學弄朱絃後 今春玉釧
寬昨夜羅裙皺無計奈情何且醉金杯酒

案朱本此下原有生查子關山
魂夢長一首乃王觀詞刪去

又

墜雨已辭雲流水難歸浦遺恨幾時休心抵秋蓮苦 忍淚不能
歌試託哀絃語絃語願相逢知有相逢否

又

一分殘酒霞兩點愁蛾暈羅幕夜猶寒玉枕春先困 心情翦綵

慵時節燒燈近見少別離多還有人堪恨

又

輕輕製舞衣小小裁歌扇三月柳濃時又向津亭見
垂淚送行人濕破紅妝面玉指袖中彈一曲清商怨

又

紅塵陌上游碧柳堤邊住纔趁彩雲來又逐飛花去
深深美酒家曲曲幽香路風月有情時總是相思處

又

長恨涉江遙移近溪頭住閒蕩木蘭舟誤入雙鴛浦
無端輕薄雲暗作廉纖雨翠袖不勝寒欲向荷花語

又

遠山眉黛長細柳腰肢嫋妝罷立春風一笑千金少
歸去鳳城時說與青樓道徧看潁川花不似師師好

又

落梅庭榭香芳草池塘綠春恨最關情日過闌干曲
幾時花裏

閒看得花枝足醉後莫思家借取師師宿

又

狂花頃刻香晚蝶纏絲意天與短因緣聚散常容易
傳唱入離聲惱亂雙蛾翠游子不堪聞正是衷腸事

又

官身幾日閒世事何時足君貌不長紅我鬢無重綠
榴花滿棧香金縷多情曲且盡眼中歡莫歎時光促

又

春從何處歸試向溪邊問岸柳弄嬌黃隴麥回青潤
多情美少年屈指芳菲近誰寄嶺頭梅來報江南信

南鄉子

淥水帶青潮水上朱闌小渡橋橋上女兒雙笑靨妖嬈倚著闌干
弄柳條月夜落花朝減字偷聲按玉簫柳外行人回首處迢迢
若比銀河路更遙

又

小藥受春風日日宮花花樹中恰向柳絲撩亂處相逢笑靨旁邊
心字濃 歸路草茸茸家在秦樓更近東醒去醉來無限事誰同
說著西池滿面紅

又

花落未須悲紅藥明年又滿枝惟有花間人別後無期水闊山長
鴈字遲 今日最相思記得攀條話別離共說春來春去事多時
一點愁心入翠眉

又

何處別時難玉指偷將粉淚彈記得來時樓上燭初殘待得清霜
滿畫闌 不慣獨眠寒自解羅衣襯枕檀百媚也應愁不睡更闌
惱亂心情半被閒

又

畫鴨嬾熏香繡茵猶展舊鴛鴦不似同衾愁易曉空牀細剔銀燈
怨漏長 幾夜月波涼夢魂隨月到蘭房殘睡覺來人又遠難忘
便是無情也斷腸

又

眼約也應虛昨夜歸來鳳枕孤且據如今情分裏相於只恐多時
不似初 深意託雙魚小翦蠻牋細字書更把此情重問得何如
共結因緣久遠無

又

新月又如眉長笛誰教月下吹樓倚暮雲初見鴈南飛漫道行人
鴈後歸 意欲夢佳期夢裏關山路不知卻待短書來破恨應遲
還是涼生玉枕時

清平樂

留人不住醉解蘭舟去一棹碧濤春水路過盡曉鶯啼處 渡頭
楊柳青青枝枝葉葉離情此後錦書休寄畫樓雲雨無憑

又

千花百草送得春歸了拾藥人稀紅漸少葉底杏青梅小 小瓊
閒抱琵琶雪香微透輕紗正好一枝嬌豔當筵獨占韶華

又

煙輕雨小紫陌香塵少謝客池塘生綠草一夜紅梅先老 旋題

羅帶新詩重尋楊柳佳期強半春寒去後幾番花信來時

又

可憐嬌小掌上承恩早把鏡不知人易老欲占朱顏長好 畫堂

秋月佳期藏鉤賭酒歸遲紅燭淚前低語綠牋花裏新詞

又

紅英落盡未有相逢信可恨流年凋綠鬢睡得春醒欲醒 鈿箏

曾醉西樓朱絃玉指梁州曲罷翠簾高卷幾回新月如鉤

又

春雲綠處又見歸鴻去側帽風前花滿路冶葉倡條情緒 紅樓

桂酒新開曾攜翠袖同來醉弄影娥池水短簫吹落殘梅

又

波紋碧皺曲水清明後折得疏梅香滿袖暗喜春紅依舊 歸來

紫陌東頭金釵換酒消愁柳影深深細路花梢小小層樓

又

西池煙草恨不尋芳早滿路落花紅不掃春色漸隨人老 遠山

眉黛嬌長清歌細逐霞觴正在十洲殘夢水心宮殿斜陽

又

蕙心堪怨也逐春風轉丹杏牆東當日見幽會綠窗題徧 眼中

前事分明可憐如夢難憑都把舊時薄倖只消今日無情

又

幺絃寫意意密絃聲碎書得鳳牋無限事猶恨春心難寄 臥聽

疏雨梧桐雨餘淡月朦朧一夜夢魂何處那回楊葉樓中

又

笙歌宛轉臺上吳王宴宮女如花倚春殿舞綻縷金衣線 酒闌

畫燭低迷彩鴛驚起雙棲月底三千繡戶雲閒十二瓊梯

又

暫來還去輕似風頭絮縱得相逢留不住何況相逢無處 去時

約略黃昏月華卻到朱門別後幾番明月素娥應是消魂

又

雙紋彩袖笑捧金船酒嬌妙如花輕似柳勸客千春長壽
更倚疏絃有情須醉尊前恰是可憐時候玉嬌今夜初圓
豔歌

又

寒催酒醒曉陌飛霜定背照畫簾殘燭影斜月光中人靜
錦衣

才子西征萬重雲水初程翠黛倚門相送鸞腸斷處離聲

又

蓮開欲徧一夜秋聲轉殘綠斷紅香片片長是西風堪怨
莫愁

家住溪邊采蓮心事年年誰管水流花謝月明昨夜蘭船

又

沈思暗記幾許無憑事菊靨開殘秋少味閒卻畫闌風意
夢雲

歸處難尋微涼暗入香襟猶恨那回庭院依前月淺燈深

又

鶯來燕去宋玉牆東路草草幽歡能幾度便有繫人心處
碧天

秋月無端別來長照關山一點懨懨誰會依前凭暖闌干

又

心期休問只有尊前分句引行人添別恨因是語低香近
勸人
滿酌金鍾清歌唱徹還重莫道後期無定夢魂猶有相逢

木蘭花

鞦韆院落重簾暮彩筆閒來題繡戶牆頭丹杏雨餘花門外綠楊
風後絮朝雲信斷知何處應作襄王春夢去紫騮認得舊游蹤
嘶過畫橋東畔路

又

小顰若解愁春暮一笑留春春也住晚紅初減謝池花新翠已遮
瓊苑路滿裙曲水曾相遇挽斷羅巾容易去啼珠彈盡又成行
畢竟心情無會處

又

小蓮未解論心素狂似鈿箏絃底柱臉邊霞散酒初醒眉上月殘
人欲去舊時家近章臺住盡日東風吹柳絮生憎繁杏綠陰時
正礙粉牆偷眼覷

又

風簾向曉寒成陣來報東風消息近試從梅蒂紫邊尋更繞柳枝
柔處問來遲不是春無信開晚卻疑花有恨又應添得幾分愁
二十五絃彈未盡

又

念奴初唱離亭宴會作離聲句別怨當時垂淚憶西樓濕盡羅衣
歌未徧難逢最是身強健無定莫如人聚散已拚歸袖醉相扶
更惱香檀珍重勸

又

玉真能唱朱簾靜憶在雙蓮池上聽百分蕉葉醉如泥卻向斷腸
聲裏醒夜涼水月鋪明鏡更看嬌花閒弄影曲終人意似流波
休問心期何處定

又

阿茸十五腰肢好天與懷春風味早畫眉勻臉不知愁殢酒熏香
偏稱小東城楊柳西城草月會花期如意少思量心事薄輕雲
綠鏡臺前還自笑

又

初心已恨花期晚別後相思長在眼蘭衾猶有舊時香每到夢回
珠淚滿多應不信人腸斷幾夜夜寒誰共暖欲將恩愛結來生
只恐來生緣又短

減字木蘭花

長亭晚送都似綠窗前日夢小字還家恰應紅燈昨夜花良時
易過半鏡流年春欲破破往事難忘一枕高樓到夕陽

又

留春不住恰似年光無味處滿眼飛英彈指東風太淺情
未穩學得新聲難破恨轉枕花前且占香紅一夜眠

又

長楊輦路綠滿當年攜手處試逐春風重到宮花花樹中芳菲
繞徧今日不如前日健酒罷淒涼新恨猶添舊恨長

泛清波摘徧

催花雨小著柳風柔都似去年時候好露紅煙綠儘有狂情鬪春

早長安道鞦韆影裏絲管聲中誰放豔陽輕過了倦客登臨暗惜
光陰恨多少 楚天渺歸思正如亂雲短夢未成芳草空把吳霜
鬢華自悲清曉帝城杏雙鳳舊約漸虛孤鴻後期難到且趁朝花
夜月翠尊頻倒

洞仙歌

春殘雨過綠暗東池道玉豔藏羞媚嬾笑記當時已恨飛鏡歡疏
那至此仍苦題花信少 連環情未已物是人非月下疏梅似伊
好澹秀色黯寒香粲若春容何心顧閒花凡草但莫使情隨歲華
遷便杏隔秦源也須能到

菩薩蠻

來時楊柳東橋路曲中暗有相期處明月好因緣欲圓還未圓
卻尋芳草去畫扇遮微雨飛絮莫無情閒花應笑人

又

箇人輕似低飛燕春來綺陌時相見堪恨兩橫波惱人情緒多
長留青鬢住莫放紅顏去占取豔陽天且教伊少年

又

鸞啼似作留春語花飛鬪學回風舞紅日又平西畫簾遮燕泥
煙光還自老綠鏡人空好香在去年衣魚牋音信稀

又

春風未放花心吐尊前不擬分明語酒色上來遲綠鬢紅杏枝
今朝眉黛淺暗恨歸時遠前夜月當樓相逢南陌頭

又

嬌香淡染燕脂雪愁春細畫彎彎月花月鏡邊情淺妝勻未成
佳期應有在試倚鞦韆待滿地落英紅萬條楊柳風

又

香蓮燭下勻丹雪妝成笑弄金階月嬌面勝芙蓉臉邊天與紅
玳筵雙揭鼓喚上華茵舞春淺未禁寒暗嫌羅袖寬

又

哀箏一弄湘江曲聲聲寫盡湘波綠纖指十三絃細將幽恨傳
當筵秋水慢玉柱斜飛鴈彈到斷腸時春山眉黛低

又

江南未雪梅花白憶梅人是江南客猶記舊相逢淡煙微月中
玉容長有信一笑歸來近懷遠上樓時晚雲和鴈低

又

相逢欲話相思苦淺情肯信相思否還恐漫相思淺情人不知
憶曾攜手處月滿窗前路長到月來時不眠猶待伊

玉樓春

雕鞍好爲鶯花住占取東城南陌路儘教春思亂如雲莫管世情
輕似絮古來多被虛名誤寧負虛名身莫負勸君頻入醉鄉來
此是無愁無恨處

又

一尊相遇春風裏詩好似君人有幾吳姬十五語如絃能唱當時
樓下水良辰易去如彈指金殘十分須盡意明朝三丈日高時
共拚醉頭扶不起

又

瓊酥酒面風吹醒一縷斜紅臨晚鏡小顰微笑盡妖嬈淺注輕勻
長淡淨手按梅葉尋香徑正是佳期期未定春來還爲箇般愁
瘦損宮腰羅帶臙

又

清歌學得秦娥似金屋瑤臺知姓字可憐春恨一生心長帶粉痕
雙袖淚從來嬾話低眉事今日新聲誰會意坐中應有賞音人
試問回腸曾斷未

又

旗亭西畔朝雲住沈水香煙長滿路柳陰分到畫眉邊花片飛來
垂手處妝成儘任秋娘妒嬾嬾盈盈當繡戶臨風一曲醉朦朧
陌上行人凝恨去

又

離鸞照罷塵生鏡幾點吳霜侵綠鬢琵琶絃上語無憑荳蔻梢頭
春有信相思拚損朱顏盡天若多情終欲問雪窗休記夜來寒
桂酒已消人去恨

又

東風又作無情計，豔粉嬌紅吹滿地。碧樓簾影不遮愁，還似去年今日意。誰知錯管春殘事，到處登臨曾費淚。此時金盞直須深，看盡落花能幾醉。

又

斑駁路與陽臺近，前度無題初借問。暖風鞭袖儘閒垂，微月簾櫳曾暗認。梅花未足憑芳信，絃語豈堪傳素恨。翠眉饒似遠山長，寄與此愁攀不盡。

又

紅綃學舞腰肢軟，旋織舞衣宮樣染。織成雲外鴈行斜，染作江南春水淺。露桃宮裏隨歌管，一曲霓裳紅日晚。歸來雙袖酒成痕，小字香牋無意展。

又

當年信道情無價，桃葉尊前論別夜。臉紅心緒學梅妝，眉翠工夫如月畫。來時醉倒旗亭下，知是阿誰扶上馬。憶曾挑盡五更燈，

不記臨分多少話

又

采蓮時候慵歌舞，永日閒從花裏度。暗隨蘋末曉風來，直待柳梢斜月去。停橈共說江頭路，臨水樓臺蘇小住。細思巫峽夢回時，不減秦源腸斷處。

又

芳年正是香英嫩，天與嬌波長入鬢。藥珠宮裏舊承恩，夜拂銀屏朝把鏡。雲情去住終難信，花意有無休更問。醉中同盡一杯歡，歸後各成孤枕恨。

又

輕風拂柳冰初綻，細雨消塵雲未散。紅窗青鏡待妝梅，綠陌高樓催送鴈。華羅歌扇金蕉瑤，記得尋芳心緒慣。鳳城寒盡又飛花，歲歲春光常有限。

阮郎歸

粉痕閒印玉尖纖，啼紅傍晚匳。舊寒新暖尙相兼，梅疏待雪添。

春冉冉恨慙慙章臺對卷簾箇人鞭影弄涼蟾樓前側帽檐

又

來時紅日弄窗紗春紅入睡霞去時庭樹欲棲鴉香屏掩月斜

收翠羽整妝華青驪信又差玉笙猶戀碧桃花今宵未憶家

又

舊香殘粉似當初人情恨不如一春猶有數行書來秋書更疏

衾鳳冷枕鴛孤愁腸待酒舒夢魂縱有也成虛那堪和夢無

又

天邊金掌露成霜雲隨鴈字長綠杯紅袖趁重陽人情似故鄉

蘭佩紫菊簪黃殷勤理舊狂欲將沈醉換悲涼清歌莫斷腸

又

晚妝長趁景陽鐘雙蛾著意濃舞腰浮動綠雲濃櫻桃半點紅

憐美景惜芳容沈思暗記中春寒簾幕幾重重楊花盡日風

歸田樂

試把花期數便早有感春情緒看即梅花吐願花更不謝春且長

住只恐花飛又春去花開還不語問此意年年春還會否絳脣

青鬢漸少花前語對花又記得舊曾游處門外垂楊未飄絮

浣溪沙

二月春花厭落梅仙源歸路碧桃催渭城絲雨勸離杯歡意似

雲真薄倖客鞭搖柳正多才鳳樓人待錦書來

又

臥鴨池頭小苑開暄風吹盡北枝梅柳長莎軟路縈回靜避綠

陰鶯有意漫隨游騎絮多才去年今日憶同來

又

二月和風到碧城萬條千縷綠相迎舞煙眠雨過清明妝鏡巧

眉偷葉樣歌樓妍曲借枝名晚秋霜霰莫無情

又

白紵春衫楊柳鞭碧蹄驕馬杏花驪落英飛絮冶游天南陌暖

風吹舞榭東城涼月照歌筵賞心多是酒中仙

又

牀上銀屏幾點山鴨爐香過瑣窗寒小雲雙枕恨春閒 惜別漫
成良夜醉解愁時有翠牋還那回分袂月初殘

又

綠柳藏烏靜掩關鴨爐香細瑣窗閒那回分袂月初殘 惜別漫

成良夜醉解愁時有翠牋還欲尋雙葉寄情難

又

家近旗亭酒易酤花時長得醉工夫伴人歌笑嬾妝梳 戶外綠

楊春繫馬牀前紅燭夜呼盧相逢還解有情無

又

日日雙眉鬪畫長行雲飛絮共輕狂不將心嫁冶游郎 濺酒滴

殘歌扇字弄花熏得舞衣香一春彈淚說淒涼

又

飛鵲臺前暈翠蛾千金新換絳仙螺最難加意爲繫多 幾處睡

痕留醉袖一春愁思近橫波遠山低盡不成歌

又

午醉西橋夕未醒雨花淒斷不堪聽歸時應減鬢邊青 衣化客
塵今古道柳含春意短長亭鳳樓爭見路旁情

又

一樣宮妝簇彩舟碧羅團扇自障羞水仙人在鏡中游 腰自細

來多態度臉因紅處轉風流年年相遇綠江頭

又

已拆鞦韆不柰閒卻隨胡蝶到花閒旋尋雙葉插雲鬢 幾摺湘

裙煙縷細一鉤羅襪素蟾彎紅窗紅豆憶前歡

又

閒弄箏絃嬾繫裙鉛華消盡見天真眼波低處事還新 悵悵不

逢如意酒尋思難值有情人可憐虛度瑣窗春

又

團扇初隨碧簾收畫檐歸燕尙遲留顰朱眉翠喜清秋 風意未

應迷狹路燈痕猶自記高樓花煙葉與人愁

又